



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ein gesprech eynes || Euangelischen Christe[n]/ mit ||
einem Lutherische[n]/**

Sachs, Hans


[Erfurt], 1524

VD16 S 299

urn:nbn:de:gbv:3:1-345717



Jh 5975



ERZBISCHÖFL.
AKADEMISCHE
BIBLIOTHEK
LEOSTR. 21
PADERBORN

in Luther. Jungfrauen mögen Kloster verlassen 1523

Zwingli. Warnung mit dem Zinsfuß 1523

Hans Sachs über den wirtsch. Mordel der
Lutheraner, 1524

Luther wider den unnen Abgott zu Meissen 24

Jac Strauß gegen Anweisung der heiligen 23.

Discont zwey Puren gemacht. —

Luther an die Luthererinnen aller Städte, daß sie
Töchter aufziehen 24

Fürst L. Holst. Gesandte auf dem Reichstag
1524 v. Hans Bechler

Zwei Truchsen

Luther an die Anischkinder aller
Städte, 21.

Von Ursprung des Mordens
der Claren zu den Luthern

Luth. Mikluff u. Geis.
Luther der geizigen Feinds.

Luther ist mein Aufsatz in Lesebuch zu sein

— " — Gottesdienst in der Gemeinde

— " — mein die Lieder in die Hand zu geben

Streiff mein das Zeugnis

Auslegung des Hebräerbriefs, 22.

Auslegung zu Willibrodus selbsten weiß. Manth.

Herr Kettenbach, Abgang des Kates in Eger

Jo. Lonicer Gnugsbüchlein.

Michel Cromer Malverandung mit neuen Juden

Lutter, Abg. Obmigkeit, sein wirt' ist zu Eger 23

Ulrich v. Hutten Selbsten in Hammburg
yagna den Kates. (Kates).

Pri. Johann Dialogus zwischen
Luther und



**Ein gesprech eynes
Evangelischen Chriſte mit
einem Lutheriſchē daryn der
Ergerlich wandel etlicher
die ſich Lutheriſch nen-
nen angezeigt vnd bru-
derlich geſtrafft
wirt.**

Wans Sachß.
M. D. & XXiii.

Secunda Corinth. vi.
Laßt vns niemant ygent ein erger-
nuß gebē auff das vnſer ampt nicht
verleſtert werd ſonder yn allē dingē
laßt vns beweysen wie die diener
Gottes.



eins andern ist. Vnd j. Corinth. viii. Sehet zu das ewer freyheit nit werd zu eynem anstoß der schwachē. Vnd zu Rom. viiiij. Den schwachē ym glauben nempt auff vñ verwirret dy gewissen nicht eyner glawbe/er mög allerley essen/ welcher aber schwach ist der yffet nur krawe/ vñ weiter yn dem capit. Es yst vil besser/ da esset keyn fleisch/ vñ trinckest kein wein/ aber das daran sych dein bruder stößet/ ergert/ oder schwach wirt/ Hastu den glawben/ so hab yhn bey dir selb vor Gott. Peter. Es stehet auch hynwider. j. Cori. v. Warum solt ich mein freyheit lassen vnter/ von einer andern gewissen. Dan so ichs mit dancksagüg nyß/ was solt ich dan verlestert werden/ ob dez darüb ich danck. Hans. Paulus spricht ym teyrt hernach. Seyt vnansößig beyde kriecken vñ den Jude/ vñ der gemein Gottes/ gleich wie auch ich/ mich yederman ym allerley gefellig mach/ vñ such nit was mir/ sonder was vil zutreglich ist/ das sie selig werde. Pe. Ich ker mich nichts daran. Es steht Galatas. v. So bestet nun ym der freyheit/ darmit vns Christus gefreyet hat/ vñ last euch nicht wider/ umb yn dz knechtisch yoch/ verknuffen/ vñ Coloss. ij. Last euch niemāt gewissen mache vber speiß vñ tranck/ vnd vber etlich tag. Vnd weiter. Seyt yhr/ dan nun gestorben seyt mit Christo vñ den menschliche sarnungē/ wñ last yr euch dan fange mit sarnungē/ als wert ihr lebendig/ die da sage/ du solt dz nit anrurē/ du solt dz nit essen noch trinckē. Du solt dz nit anlegē. Vnd noch klerer. j. Corin. v. Alles dz auff dez fleischmarck feyl yst/ das esset vñ forschet nicht zuterschone der gewissen. Hans. Lieber/ es volgt weiter ym teyrt. j. Corinth. v. Wo aber yemant wurd zu euch sagen. Dis ist gözen opffer (wie dan auch vnser fleisch meiden/ gözen opffer ist/ welches wir auß menschen gebot/ vñ nicht auß Gottes gepot meiden) Spricht Paulus. So esset nicht/ vñ verschonet der gewissen/ des/ der es anzücht. Vnd Roma. viiiij. So aber dein bruder vber deine speiß betrübt wirt/ so wandelst du schon nit nach der lieb/ lieber verderb den nicht mit deyner speiß/ vmb welches willen Christus gestorben ist. Vnd i. Cor. viii. Vnd wirs

Das ist auch
sind in
das ist ein
wir sind
vnd die
wir sind

also ob deynr erkentnuß der schwach binder vmbkommen
vmb welches willen Christus gestorben ist. Wen yhr aber als
so sundigt an den brüder vnd schlacht yhr schwachs gewiss
sen so sundigt yhr an Christo. Daramb wenn die speysß mehr
brüder ergert wolt ich nit fleisch essen ewiglich wie gefalle
dir dise spruch von sant Paul: Peter Was ist vnser frey
heit nutz wen wir yhr nit brauchen darffen. Hans Die yst
vns so vil nutz das wir wissen das vns alle speiß vnshedlich
ist. Aber vmb der schwache willē soln wirs meiden wie Ro.
xv. Wir aber die wir starck seyn sollen trage d schwache ges
brechlichkeit vñ nit ein gefallen an vns selber habe. Wan es
stehet i. Cor. v. Wer sich lest düncken er stehe der schaw das
er nit fal. Es seint ewer (Hab ich sorg) vil die fleisch essen am
freytag ans freuel farwitz oder wollust vnd seint doch vns
gegründt ym glauben vñ werden anff die letz wancken ym
yhrer gewissen. Nun sprich Paulus Roma. viii. Wer aber
darüber wancke wirt so er gessen hat der ist verdampft das
es gehet nit aus dem glauben. Was aber nit aus dem glau
ben gehet dz ist sandt. Peter Als lieber bruder Hans wie
lang soln wir dan ym der Babilonische gefencknuß ligē an d
Römischen ketten vñ vnser Christlichen freyheit mit dem
fleisch vnd allen stücken nit frey gebrauchen. Hans Lies
ber brud Peter hab gedult Paulus. ii. Thess. ii. spricht. Der
Herr wirt yhr erwurgen mit dem geist seynes munds vñnd
wirt sein ein end machen. Daramb lieber bruder laß dir mit
sapint mir vñ vns allen benigē das vnser gewissen frey vñ
vnterpunden ist zu solchen menschlichen auff sayungen der
seelen heyl betreffent vñ laß vns fort solche vnd der gleiche
püerd eusserlich mit vnsern mitbrüder williglich trage wie
andere Statut vñnd bürgerlich sytten wie Galat. v. Eyn
trag des andern last so werd yhr das gesatz Christi erfallen.
Peter. Ich hör wol ich muß den altē weybern vñ mennern
zu lieb widder vnderheit der speiß machen die doch vom
Christo verworffen seint. Mat. xv. Ein yezliche pflanz die
Got mein hymlicher vatter nit gepflanzet hat wirt außge
ewt

Der laufft
vns anfang
folgt vns
die babylonische
gefangnis
flucht vnder
it 19 jahre
vns
Güter vnter
in mensche

rewr. Hans. Hör Paulum zum Römern am. viii. Das
reich Gottes yst nicht essen noch trincken / sonder gerechtig-
keit / frid / vnd freude ym heiligen geyst. Vnd. i. Corinthi. viii.
Essen wir / so werden wir nit besser. Essen wir nit / so werden
wir nit weniger. Nun so wir aber fleisch meiden zuuerschon
vnsers nechsten vnwissende bruders gewissen / als dan geber
solchs meiden aus glawb vnd lieb / vnd yst Got gefellig / wel-
ches Gott vor eyn gewel war. Peter. So hör ich wol / ich
muß widder eyn gleyßnerisch Romanist werden / vnd alle
ordnung vnd kramanz mit yhn halten. Hans. Also was
die on ergerniß deynes nechsten kanst vnderlassen magstu
woll thun / es ist allein on ergernis willen des nechste zuthu-
derhalb die wie Paulus. i. Corinth. ix. Wiewoll ich frey byn
von yedermā / hab ich doch mich selbs zum knecht gemacht /
auff das ich yhr vil gewin / den Juden byn ich worden als eyn
Jud / den Heyde als eyn Heyd / den schwachē als ein schwachē
er / vnd byn yederman allerley worden. Vnd. ii. Corinth. xii.
Wer yst schwach / vnd ich werd nit schwach / vnd wer wirt
geergert / vnd ich brenne nicht. Also laß vns auch thun / nach
des gebot Christi. Joānis. viii. Ein newe gebot gyb ich euch /
das yhr euch vnter eynander liebet wie ich euch geliebt hab /
darbey wirt yederman erkennen / das yr meine yungere seint.
Hörst du / die lieb ist die recht prob eines Christen / vnd nicht
das fleisch essen / wen das können hand vnd katze auch wol.
Peter. Lieber es hylff nichts an yhn / so wir yhr gleych
lang verschonen / sye werden nur erger vñ verstockter / darüb
gylt es gleych / man esses oder laß. Hans. Lieber bruder /
willen yhr nicht verschonen / so schon doch des Euangeli-
vnd wortt Gottes / welches durch ewer fleisch essen ver-
lestert / vnd Ketzerey gescholten wirt / wann das fleisch
essenn / yst dem gemeyn mann schier der aller grōst anstofs
vnd Ergernis an der Euangelischen leer. Gott erleucht
yhre blindheyt mit seynem Hōrliehen wort / Es yst an yhn
erfüllt der sprach Pauli. ii. Tesselonich. ii. Darumb da sye
die lieb der warheyt nicht haben auffgenommen / das sye

selig wurden/ darüb wirt yhn Got krefftig vtrumb senden
das sye glawbeder lügen/ auff das gericht werden alle die der
warheit nit glawbt habē. Peter Es ist leider war/ ich han
wol nachpawen/ so eyner ein byssen fleisch am Freitag soll es-
sen/ er nem yhm grosser gewissen darüb/ dan so er eynen vmb
eer vn̄ gurt belig/ oder betrig. Hans Ach lieber vnder/ so
thū so wol/ vn̄ meyde fleisch essen/ od̄ thū es ye gar heymlich/
dz niemant geergert werd. Pe. Wolan/ ich wils thū/ ich
hab es so weit nit besunnē/ dz in den weg schade daraus folge
solt. Hans Wolan/ wolauff/ ich mein man lewt dz dritt an
die predig. Peter. Es ist erst das and. Lieber mein Schweer
kumpt/ redt yhn an des Euangeli halbē. Meister Ulrich.
Got grüß euch yhr Lutherische lewt. Hans. Habt danck
yhr kumpt eben recht. Lieber meister Ulrich. Gehet mit
vns an vnser Predig. Meister Ulrich. Ich wolte ee/ das
ewer prediger hyng/ er ist ein Ketzer. Hans. Ey lieber meis-
ter Ulrich wie so? Meister Ulr. Da sagt mein Eiden da
wen er kumpt/ vnser prediger sagt/ man durff nymer beten/
den heiligen dienē/ fastē/ beichten/ wallē/ Weshören/ Vigilg/
Seelmessen/ Jartag stifte/ adlas lösen/ vn̄ sey kein gut werck
zur seligkeit nutz/ vn̄ noch grober possen/ darnach sych dann
mein Eiden mit seyn gesellē helt/ er weyß woll woz ich verbit
mein. Hans. Ey Peter. Peter Durst auch vnrecht dar
an/ du vn̄ dein gesellen/ fart mit solchen stuckē herans/ dz vn̄
das sagt vnser prediger/ vnd sagt doch nit vrsach da bey/ wie
es euch der prediger hart gesagt/ vn̄ stürzet die eynseligen
lewt von der leer/ die verfluchen darnach die Chrißliche pre-
diger vnd fliehen darnach söllliche yhr predig/ daran sye den
grundt möchten hören/ vn̄ verlestern dz heylig wort gottes
vnwissend/ vnd sprechend. Ist das die newe leer/ so will ich
yn meinem altē glawbē bleibē. Wer ist schuldig daran/ allein
yr vngesbbleren tnebel/ du aber deins gleichē werd/ mir Holt
od̄ feind gilt mir gleich. Es ist ye not zusagē. Wā yr aber Chri-
sten werdt/ so handelt yhr Chrißlich/ vnd sager den vnwis-
senden die trößlichen wort von Christo/ die yhr von dem pre-
diger gehörs

diger gehört Herr nemlich das der tod Christi sey das eynig
werck vnser erlösung vnd wie der hymlich vatter Christo
allen gewalt hab geben ym hymel vñ auff erden den Christen
alleyn sollen wir hören was er heyst sollen wir thun was er
verbewt sollen wir lassen was er frey läst hab niemant
zuuerpieten wedder ym hymel noch auff erden bey der
seelen heyl. Vnd wenn yhr solches den leuten vor sagt das
möcht die hertzen der vnwissenden erweichē das sie darnach
auch an solche Predig kemen vnd hören selbe den grund
dardurch sye kemen zu warer erkandnuß der warheit Gora
tes. So viel dann dz ander mensche gesatz vnd gauckelwerck
selber zu poden. Meister Ulrich. Dar von hielt ich auch
meer wen man von gutten dingen sagt. Ich hör es aber von
den Lutherischen nicht vill es kumpt ye eyn ganzer Tisch
vol Lutherischer herein zu meinem Eyde vñ hört doch war
lich eyner kein gatt Christlich wort von yhn da heben sye an
Wünck vñ pfaffen außzurichten es neme eyn handt nit eyn
stück brott von yhm vñ welcher bas mag der ist meister vns
der yhn. Darüb last mich yhr Lutherische weyse gar nicht.
Hans. Peter Peter Das yst widder die lieb des nechsten.
Mathei. vij. Alles das yhr wölt das euch die lewt thun dz
thant yhn auch hyn widderamb. Nan wölstu ye nicht dz mā
dich also außbleßniert wan sye sein so blindt armfelig vnd
verstockt das man billicher mitleyden mit yhn het vñ gott
für sye bätt dan dz man yr schand laster vñ vngerechtigkeit
also außschreyt vnd rischerlin darnon saget. Peter Ey
darffen syeß dan thun so massen sieß von yhn sagen lassen es
yst ye die warheit. Hans Ob es recht sey hör Paulam zum
Römern am. ij. O mensch du kanst dich nit entschuldigen
wer du bist der da richtest dan warin du ein andern richtest
verdampst du dich selbst seytemall du eben das selb thast.
verstehe mit dem hertzen daryn du eyn andern richtest. Pe.
Lieber sye han vns lang am narren seyl ombher gefürt wir
wöllen sie widderamb mit solcher maß bezalen wie Apocas
lip. xvij. Bezalt sye wider wie sye hat euch bezalt vñ machts

Yhr zweyfeltig nach yhren wercken. Hans Es stehet aber
Mathei. v. Lieber ewer feindt benedeyet dy euch maledie-
rhanit woll den die euch hassen bitter fur die euch beleydiget
vnd vernolgen. Vnd. i. Petri. ii. Endlich aber seyt besynnet
mitleydig brüderlich hertzlich freuntlich. Vergeltet nit bö-
ses mit bösem nit scheltwort mit scheltwort dar gegē bene-
deyete. Peter Söln wir dann lachen darzu so meynte sie
vns were woll darmit ich sych wol es kumpt eyn neues ge-
schrey ober das ander wie man die Christen von des Euana-
geli wegen stürmet fächet verbrent verdreibt die landt ver-
bewt yn dem Babilonischen Reich. Hans Lieber brüder
das yst vns alles vor verkündt durch Christum wie es gehē
wirt lyse Mathei. v. Marci am. vii. Luce am. xxi. vñ Joan.
am. xv. da syndstu alle die verfolgung so dan yetzunt anfächet
ober die Christen zugehen. Peter Es were aber schier bes-
ser wir schliagen mit feusten darein nach lawrt des spruchs
Apocal. xviii mit welchem Kelch sy euch eingeschicket hat
(verstehe die Babilonische hur) schenckt yhr zweyfeltig ein
vñ wie vil sye sych herlich gemacht vnd geyl gewesen ist so
vil schenckt yr qual vnd leyden ein. Hans O nein es ste-
het Deute. xxxii. Die rache ist mein spruch d' Herr. Vnd Apo-
c. viii. Wer vns gefencknis firt der wirt vns gefencknis gehē
Vnd wer mit dem schwert tödet der müs mit dem schwert
tödt werden. Vnd Mathei. xxvi. Wer mit dem schwert ficht
der wirt am schwert verderben. Also wirt sye der Herr woll
synden wie. ii. Petri. ii. In yrem würgen werden sye erwürgt
werden Darumb sey du zu frid vnd bleib yn deiner Christ-
lichen gedule. Luce. vi. Wer dich auff eyn backē schlecht dez
biet den andern auch dar. Vnd wer dir den mantel nimpt
dez weer auch nit das er dir den rock neme. Peter Wie
söln wir dann yhrer verfürische driererey recht geben. Hans
Neyn wo yr yhn vnder augen seyt vnd sy die Euangelische
warheyt verlestern da schweig nit sonder widderlegt yhn
yre mensche geschweiz mit dez wort gottes vñ hädlet nicht
wider sye mit ranoz oder geschrey wan dz ist vnrecht vñ dez
gemeynen

gemeynen man gantz ergerlich. Peter Ey hat doch Chri-
stus auch selbs von dysen verfürischen wolffen verkündigt
vñ auch yn yhzem abwesen / nemlich Math. vii. vñ. xxiii. vñ
Marci. am. viii. Luce am. xvi. Da hat sant Pawl von yhn
geschriben. i. Corint. xv. vnd. ii. Cor. xi. Gallat. v. Ephe. iiii.
Philip. iii. Colo. ii. ii. Thessa. i. vnd. j. Timoth. iij. vnd. ii.
Timoth. ii. vnd der gleichen sant Peter. j. Petri. v. vñ. ii. Pe.
ii. vnd auch. i. Joannis. iiii. vnd. ij. Joan. j. Hans. Merck
das ist darumb wie stehet Roma. xv. Was vns fur geschrie-
ben ist das ist vns zur leer geschriebē / auff das wir durch ge-
dult vnd trost der geschribt Hoffnung haben. Also seint wir
durch die heylig geschribt gewarnet vor yhn / vñ yhzet verfür-
ung auff das wir vnser gewissen yhn nit vnterwerffen söllē
sonder eynig vñ allein dem vnwandelbaren wort Gottes.
Peter. Warumb schreyen dan vnser prediger der geistliche
falsche werfürische leer / gots dienst / gepot / vnd lebē also auff
der Canzel aus / Des gleichen Doctor Martin / mir vil sein
nachfolger / schreyben vorgemelte stuck so oberflüssig vnter
die Chrißliche Gemeyn / yst es yhn recht / so ist es vnns auch
recht. Hans Ja solchs predigē vñ schreyben / geschicht auß
verpflichtet chrißlicher lieb / dem gemeinē vnwissenden ver-
fürten volck zu gut / auff das sye yhre gewissen los machen
von den gemelten verfürern. zu dem andern / den verfürern
zu gant / ob Gott durch sein krefftig wort ein teyl niderschlag
wie Paulum vor Damasco Actuum. ix. vñ aus wolffen des
teuffels / schäflin Chrißti machet. Wo aber sollich predigen
oder schreibē auß bösem gemüt / vñ nicht aus Chrißlicher lieb
be gehet / so ist es vnrecht vnd sand / wie nüt vñ not dz werck
an yhm selber ist nach lawt des spruchs. i. Cor. xiiij. Wen ich
all mein hab den armen gebe vñ ließ mein leib brennen vnd
het der lieb nicht / so were es mir nichts nutz. Hye bey ist woll
zubeforgen / wo yr hinder dem wein sitzt / vñ schender münch
vnd Pfaffen / das es nit auß Chrißlicher liebe / sond aus ober-
mut / neid / haß / od auß böser gewonheyt kam / welches nach
reden ynn der schribt verbotten ist / nemlich Ephe. iiii. Laß

B

Keyn faul geschwetz aus ewerim mund gehē sonder was nutz
ist zur besserung das es nott thut vnd weiter. Alle bitter
keit grym zorn geschrey vñ lesterung sey ferr von euch. Vñ
Tito. iii. Erinner sye das sye niemant lesteren nicht hadern
glindt sein alle senfftmütigkeit beweysen gegē alle menschē.
Vnd. Petri. ii. So legt nun ab alle boßheyt alle list heuchles
rey haß vñ alles aßterreden. Peter Die keren sych dans
noch nit daran man syngt yhn süß oder bitter die seynt ver
stockt wie die phariseier. Hās. Ey so laß sy gehē wie die heidē
Marth. xviii. Wan yhr sye lang schender yhn fluchet yst es
niemant nutz vñ ander lewt die bey euch syren vnd hören
die ergern sich daran sprechen die Lutherische könnē nichts
dan die geistlichen schmehe vñ wöllen sie hawen vnd steche
wie kan dan etwas gutts hyndter yhn vñ yhrer leer stecken
Es ist reuffels leer mit yhn vñ fliehen auch furbaß die Enā
gelische leer vñ bleiben yn yhren alten yhrthumb das ist die
frucht ewers nachredens. Darumb willtu eyn warhafftiger
Christen seyn so meid es vñ verschon ander lewt daran. Zu
dē so wölt yhr al die yhr euch Lutherisch nennet an den fr
men man den Luther eynē deckmätel ewer vnshicklichkeit
suchen vñ euch doch seyner leer nit gemēß halten. Dann ob
woll Luther die Christlichen freyheit zu erledigung der ar
men gefangen gewissen angezeigt hat er doch danebe durch
seyne schrifften vñ predig meniglich gewarnt wie er dann
noch fur vnd fur thut sych vor drieglichen ergerlichen vn
christlichen handlungē zuküten vñ nit also dem Enangelio
vñ wort gottes zum nachteil mit der thatt zuschirmen vnd
gleich den vnbesynten zarafer. Darumb yhr euch ynn dysen
ewern vngeschickte handlungē des Christliche mans Doctor
Luthers der es so gut Christlich vñ getrewlich meint zu ey
nem schandfleck nit billich gebracht. Dan was Christliche
erbaru gemüts wz gegründte glawbē vñ vertrawis mögē
sich doch die behelffen die mit außwendigen geperde als die
geistliche an yrem leib eer vñ gut zuserfolgen dem nechsten
mit freisch essen vñ andn ergerlich zu sein anfaße Christē zu
seyn vnd da

seyen vñ da zeygen dise frucht an. dz der baum gewislich böß
vñ faul ist. Mat. vij. Meister Ulrich Ja meister Hans wã
yr et wan da werent wan die Lutherischen bey einand seint
vñ bringen eyenen vnder sych. der nit Lutherisch ist. da höret
yhr wie sye der lewt verschonen. ya hynder sych. da halten sie
fastnacht mit yhm vñ legen sych alle vber yhn. der muß yhr
Romanist. papist. gleißner. vñ werckheylig sein. vnd reden
yhm so spötlich vnd hönisch zu. dz er vnder yhnen sytz. wie
ein pfeiffer. d den dantz verderbt hat. vnd weiß nit yn welche
ecken er sehen sol. Hans O yhr groben rülzen. ewer hertz
solt euch fremen. wo yhr anders recht Christen wert. wo yhr
vñwissende lewt vberkempt. dz yr yhn das wort gottes. das
pfundt das euch gebē ist. Mat. xxv. brüderlich mitteilt. so
fart yr zu. vnd verspot sye. Peter Lieber sye verstehent so
gar nichts yn der schrift. vñ stellen sych so vngeschickt darzu
wie ein hündt yn karrē. so muß mā yhn darzu helfen. Hans.
Ach neyn vmb Christus wille. verschonet der vñwissende vñ
schwache gewissen. wan sye haben des worts Gottes nit ge
wont. yr Kuchē prediger habē sye nit darauß gewysen. sond
daruon. auff yre ertichte mensche werck. auch seint vñwitz vñ
spott wort yn der schrift verboten. Ephe. v. Schampere wort.
vñ narren teding. vñ scherz. vnd wß sych nit zur sach reimer
entschla dich. Vnd. ii. Timo. ij. Dz vñgeistlose geschwertz ent
schlage dich. dan es fodert vil zu eines gotlosen wesen. Sond
wie Paulus Colo. iii. Laßt das wort gottes reichlich yn euch
wonē. yn aller weißheit. vnd leret vnder einander selbs. Pe
Lieber es seint vil alter graver mēner. die rümē sych auch.
sye wissen dz Euangeli. aber sye legens nach yrem kopff aus.
vñ wen mans ym grundt fragt. so verstehē sye ebē als vil ym
enāgeli als ein kwe ym brettspill. sol man yr nit spottē darzu.
vñ sie straffen. Hās. Hör Paulū. i. Timo. v. Dē elteste schelt
nit. sonder erman yhn als ein vatter. die yungen als die brü
der. die altēnn weyber als die mütter. die yungen als die
schwester. Werck. Hie hastu die weyße. wie es als leyblich
wund gottselig muß vñdterwysen sein. Peter. Es seyne

Bii

aber erlich geystpolster darandrer / die laffen alle Kirchett
aus / vñ wollen Got den Himmel mit yhren wercken abkauffen /
vñ wen man yhn von den rechten gotdienst sagt / so lecken
sye hyndren vñ vorn auff / vnd kan niemant mit yhnen nacher
komen. Hans. Ey du mußt yhn yren yrtzamb freunlich
anzeigen / wie Gal. vi. Liebe brüder / so ein mensch yn eynem
laster begriffen wirt / so strafft yhn mit senffmütigem geyst /
yhn / die yr geystlich seyt. Peter Ja / sye nemens nit an / vnd
sprechen / wir söln vns selber bey der nasen nemen. Hans.
Da kumpt herauß / von dem ich steets sage. Sie ergern sych
an ewerm rohen leben Peter Söllen wir dan eyn gleyßne-
risch leben füren / wie die Munch? Hans Neyn / sonder ein
leben wie die Christe / wie Paulus Roma. viii. Last vns er-
barlich wandle als am liecht / nit yn fressen vñ sauffen / nicht
ynn karnern vñ geylheit / nicht ynn hadern vnd eyffern. Vnd
Eph. iii. Ich erman euch lieben brüder / das yr wandelt wie
sychs gebürt ewerm beruff / daryn yhr beruffen seyt / mit aller
demut / senffmut / vñ langmut / vnd vertrag eyner dem an-
dern yn der lieb / Vnd Paulus beschreib die vsach Phil. ii.
Thut alles on marmulung vnd verwirrang / auff das yr seyt
on dadel / vnd lautter vñ kinder Gottes / vnsträflich / mitten
vndrer dem vnslachtigen vñ verkerten volck. Peter Sie
verachten aber die geschafft / vñ wölle yr alte gewonheit hal-
ten / sagt man yhn schwarz / so sagen sye weiß / spreche / ob die
geschafft ynn der Bibel alle war sey / vñ wenn man yhn mit
höchstem fleiß Christliche leer vor sagt / sprechen sy als bald /
hastu mein Gens nit gesehen / wer kan yhn dann schweigen
dazu? Hans Paulus schreib. ii. Timothe. ii. Eyn knecht
des Herrn sol nit zentisch seyn / sonder verterlich gegē yders
man / lernhaftig / der die bösen tragē kan / der mit senffmut
strafft die widderpensstigen / ob yhn Gott der mall eyns buß
gebe / die warheit zuerkennen / Vnd. i. Petri. ii. das ist der will
Gottes / das yhr mit woltun verstopft die vnwissenheyt d
menschen / als die feeyen / vnd nicht / als hett yhr die freyheit
zu eynem deckel der sunden. Peter Lieber sye machens zu
grob / sye ge

grob / sye geben böse wort auß / vnd werffen mit ketzer köpfe
fen vnder vns / vnd so wir hynwider nit byssen / so schreyen
sye fro / gewonnen / sie gewinnē / Darumb ist nott / das man
yhn den kolben auff den schilt leg. Hans O ho / wiltu Chris
stum bekennen vñ leeren / vnd magst nit böse wort leyde / wie
wöltstu dann streych / oder den todt leyden. Merck Paulum
Rom. vii. Benedeyet die euch verfolgen / benedeyet vnd ma
ledeyet nicht / Vergeltet nit böses mit bösem / rechet euch sel
ber nit. Wie hörstu / das man ans Christlicher lieb / ynn aller
senfftmüt / on alle gallen handeln muß / sol es frucht bringen
vnd nicht also grob mit den lewten faren / Es ist auch eyn
mercklich stuck / darmit man die lewt abwendet von der eua
gelischen leer / der erwan sunst vill herzu kernen / vnd die leer
anneimen / aber den weg / gebirt es nur feyndtschafft / zu dem
wort gottes / der gleichen zu den / die yhm anhangen / heysen
sye ketzer / vnd das wort Gottes ketzerey / da seyt yhr allein
schuldig an / mit ewerm fleisch essen / raimorn / dröen schenden
vñ lestern der geistlichen / vnd puchen / vñ hadern / vnd ver
achten der eynfeltigen / das yhr vil ober euch außspeyen / wo
sye euch sehen / der gleichen ober ander frume Christe / die nit
wie yhr / sonder dem Euangeli Christi nachuolgen / vñ einen
Christlichen wandel führen / wie sychs gebürt. Peter Lieber
ist man vns feindt / das wissen wir vorhyn woll / vñ kennē sye
auch wol / wir seyn yhn auch nit gar holt / vñ wen sychs begeb
yn eynem abreitten / wir wölten gar schon reißen an einand.
Hans Alwe ist es vmb die zeit / so merck ich woll / es ist nur
vil geschreyß vnd wenig wollen vmb euch / hatt yhr die lieb
des nechste nit / von notē kent man euch nit fur yunger Chris
sti. Peter Wie so? Hans. Es stehet. i. Joan. iii. Wer nit
lieb hat seynen bruder / der bleibt ym todt / vñ wer seynen bru
der hasset / der ist ein todtschleger / Vnd Joan. iiii. So yemāt
sprichet / er lieb Got / vñ hasset seynen bruder / der ist eyn lügen
ner / dan wer seinen bruder nit liebet / den er sycht / wie kan er
Got lieben / den er nicht sycht. Darumb fürcht ich lieber br
der Peter / so du mit deiner todt feindschafft / dregst / yhr habē


den warhafftigen Christen glawben nicht/ den Got wirckt
Coloss.ii. Sonder yhr haben nur ein menschlichen gedachten
glawbe/aus fleisch vnd blut. Des halb auch/al ewer gedächte
wort vnd werck seint fleisch vnd blut/ vnd seint euch selber
schendlich/ vnd vnnutz/ vnd ander leute ergetlich/ wen fleisch
lich gesynnet seyn/ ist ein feindschafft widder got/ spricht Pau
lus Roma.viii. Die aber der geist gottes dreybet/ das seint
die rechten kinder gottes Roma.viii. Peter Wie erkent
man sye aber. Hans Allein an der lieb/ wie Christus sagt
Joan.am.xiii. In dem wirt man erkennen/ das yr meine yun
gere seynt/ so yhr eynd lieb habet. Vnd.i. Joan.iiii. Ir liebe
last vns vnter einand lieb habē/ dā die lieb ist vō got/ vñ wer
lieb hat d ist vō got geboren/ vñ keiner Got/ wer nit lieb hat/ d
keiner Got nit/ wan got ist die lieb/ vñ wer yn der lieb bleybt/
der bleibet yn Got/ vnd got yn yhm. Derhalb mag ich wol zu
euch sagen/ wie Christus zum Juden. Joan.viii. Wen yr aber
Abraams kinder weret/ so thäten yhr die werck Abrae. Also
auch yhr/ wenn yhr Euangelisch werent (wie yhr rümer) so
thäten yhr die werck des Euangeli/ wan das Euangelion ist
eyn wunsam frölich vnd lieblich botschafft vō Christo. Dar
umb wen yhr aus dem Euangeli geporn wert/ so verkündet
yhr das Euangeli ewern mitbrüdern/ ynn Christo/ Holt selig/
vnd mit aller ersamkeit/ vnd füret eyne gotseligen wandel/
wie die Aposteln/ die so fremtlich gegen den leuten handlea
ten/ wie man yn yhren geschichten durch alle Capittel lyset.
Darumb lieber brader Peter/ merck nur eben mein red vmb
Gottes willen vnd sag es deiner mitbrüdern/ von mir/ wie
wol sye mich eyne heuchler vnd abtrinnige heysen/ vnd haltē
werde/ da ligt mir nit ein harbreyt an/ ich han ye die warheit
gesagt/ welche dann allmal verfolgt maß werden von den
gotlosen. Vnd wolt Gott das es alle die gebort hetten/ die
sich gut Lutherisch nennen/ vñ villich möcht yhn yr rüm gelis
gen/ vñ erst eyne teyl leren recht Euangelisch Christen zu
werden. Meister Ulrich. Peter/ wie danck dich/ wenn
meister Hans yber dich keme/ der köndt dich recht auff nesten
len/ es ist ys


hestelen/es ist ye einmal war/wenn yhr Lutherischen solchē
züchtigen vnd vnergerlichen wandel fürer/so hett ewer leer
eyn bessers ansehen vor allen mensche/die euch yetzunt ketzer
nennen/wurden euch Christen heysen. Die euch yetzt fluchē/
wurden euch loben. Die euch yetzt vbel reden/wurden euch
wol sprechen. Die euch yetzunt fliehē/würde euch heymlichē.
Vnd die euch yetzunt verachten/wurden von euch lernen.
Aber mit dez fleisch essen/ranom pfaffen schenden/hadern/
verspotten/verachten/vnd allem vnzüchtigē wandel/habēt
yhr lutherischen der Euangelischen leer selber eyn grosse ver
achtüg gemacht. Hans. Es lygt leyder am tag/Got vers
leich vns allen seinen geist zu leben nach seynem götlichē wils
len. Wan lewt dz drit wolauß gen Predig. Meister Ulrich
Wolan/yhr han mich gleich lustig gemacht/ich wil auch mit
euch an ewer Predig/ob ich eyn gatter Christ möcht werden.
Hans. Das geb Got. Meister Ulrich. A W E N.


¶ Philippen.ij.

Lieben brüder/ist nun vnder euch yrgent ein ermanung
yn Christo. Ist yrgent eyn trost d lieb. Ist yrgent eyn gemeins
schafft des geists. Ist yrgent ein hertzlich lieb vnd barmherz
igkeit/so erfüllet mein frewd/das yhr eynes müts vnd syns
seyt/gleiche liebe habē Nichts thut durch zanke/oder eyrtel
er/sonder durch demut. Achtet euch vnder einander selbs/
eyner des andern obrister/vnd eyn yetzlicher sehe nit auß dz
seyn/sonder auß das des andern ist.

[Faint, illegible text, likely bleed-through from the reverse side of the page]











Th
5975